



Richomarus patre Sueuus & matre Geta, Val-
 liae regis Gothorum filia nepos extitit. Hic in-
 signi corporis fortitudine praeditus, sub Romanis
 stipendia fecit, & ad Danubij ripam ordines ducen-
 do & pugnando sibi magnum nomen comparauit,
 Anno Christi quadringentesimo sexagesimo. Hinc
 factum ut inter patricios Romanos annumeratus
 fuerit. Cum autem eo tempore Maioranus per ali-
 quot annos magna ignauia Romanum imperium
 administrasset, Richomarus auxilio Sueuorum fre-
 tus, eum Deitonae interfecit, atque Seuerum Luca-
 num Rauennae Caesarem designauit. Verum cum
 nec ipse frugi esset, Anthemius Imperator constitu-
 tus fuit. Hic adeo Richomarum ob uirtutes dilexit, ut ei filiam suam uxorem
 daret, & rebus maximis praeficeret. Auent. lib. 2.